

Gerai Utusan jadi tumpuan di Pesta Konvo UPM

KUALA LUMPUR 29 Okt. - Gerai Kumpulan Utusan antara yang menjadi tumpuan pengunjung Pesta Konvokesyen Universiti Putra Malaysia (UPM) 2013, Serdang dekat sini hari ini.

Tinjauan *Utusan Malaysia* di gerai tersebut mendapati buku pengkisahan sejarah *Utusan Melayu* iaitu *Di Depan Api, Di belakang Duri* tulisan Tan Sri Zainuddin Maidin merupakan antara produk yang terlaris dijual.

Menurut petugas Utusan Publications and Distributors Sdn. Bhd. (UP&D), **Mustafa Sulaiman**, buku tersebut sudah banyak terjual sepanjang pesta ini yang bermula sejak Jumaat lalu sehingga 30 Oktober ini.

"Kita dapat rata-rata pengunjung yang hadir berminat untuk membeli buku tersebut, mungkin kerana mereka ingin tahu fakta dan sejarah *Utusan Melayu*," katanya ketika ditemui.

Sementara itu, seorang suri rumah, **Azizon Ibrahim**, 45, berjaya membawa pulang sebuah hamper dan beg galas



NORSYITA



MUHAMAD NUR

setelah menang dalam aktiviti yang dianjurkan oleh cabaran aktiviti yang diadakan UP&D untuk pelanggan.

"Antara buku yang saya beli di gerai ini berkaitan dengan sejarah, agama dan masakan. Pada hari ini sahaja saya beli 10 buku untuk anak-anak."

"Buku yang paling menarik perhatian saya berjudul *Surat daripada Dr. Mahathir*. Saya kagum dengan ayat-ayat yang digunakan Dr. Mahathir dalam buku itu, di samping mendapat banyak maklumat baharu," katanya.

Sementara itu, seorang kerani bank, **Norsyita Abdul Latib**, 38, membeli 10 buku untuk empat orang anaknya ketika berkunjung ke gerai Utusan.

"Saya mengambil kesempatan membeli buku sebanyak ini untuk anak-anak saya sebagai satu galakan supaya mereka membaca."

"Harga yang ditawarkan juga cukup murah dan berpatutan, sekali gus memberi peluang kepada saya untuk membeli buku-buku tersebut untuk anak-anak," jelasnya.

Dalam pada itu, penuntut Ijazah Sarjana Pengajian Al-Quran dan Al-Sunnah UPM, **Muhammad Nur Adzim Amran**, 26, berkata, buku berkaitan agama dan kajian al-Quran menarik perhatiannya.

"Dengan adanya buku berkaitan agama ini, sekurang-kurangnya saya dapat kukuhkan pemahaman tentang agama Islam, selain menambah pengetahuan am membaca buku ilmiah di sini," katanya.



AZIZON Ibrahim bersama anaknya memenangi hadiah cabutan bertuah ketika mengunjungi gerai Kumpulan Utusan di Pesta Konvokesyen UPM di Serdang, semalam.